

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС
ТАЪЛИМ ВАЗИРЛИГИ**

ҚАРШИ ДАВЛАТ УНИВЕРСИТЕТИ

ҚАРШИ МУҲАНДИСЛИК-ИҚТИСОДИЁТ ИНСТИТУТИ

**“ТИҚХММИ” МТУнинг ҚАРШИ ИРРИГАЦИЯ ВА
АГРОТЕХНОЛОГИЯЛАР ИНСТИТУТИ**

**ЎЗБЕКИСТОН ХОТИН-ҚИЗЛАР ҚЎМИТАСИ “ОЛИМА”
УЮШМАСИ**

**МАРКАЗИЙ ОСИЁ ЦИВИЛИЗАЦИЯ
ТИЗИМИДА ЎЗБЕКИСТОН ТАРИХИ ВА
МАДАНИЯТИ**

**Халқаро илмий-амалий конференция материаллари
2022 йил 14 май**

Қарши – 2022

Ушбу тўпламда Марказий Осиё цивилизацияси тизимида қадимги ва ўрта асрлар миграция жараёнлари ва шаҳарсозлик маданияти масалалари, Ўзбекистон тарихи ва маданияти мавзусининг манбашунослиги ва тарихшунослиги, Ўзбекистон археология ва этнологияси муаммолари, Янги Ўзбекистон ижтимоий-сиёсий жараёнларини татқиқ этишдаги инновацион ёндошувлар, Қашқадарё воҳаси тарихи ва бошқа соҳаларга доир масалалар камраб олинган.

Ушбу тўплам кенг жамоатчилик, давр тарихи билан қизиқувчилар, тарихчилар ва талаба ёшларга мўлжалланган.

Масъул муҳаррир:

Г.Э.Мўминова – т.ф.д., профессор. Қарши давлат университети “Жаҳон тарихи” кафедраси мудири.

Таҳрир ҳайъати ва аъзолари:

**доц. Н.Холмирзаев
проф. О.Бўриев
проф. Ю.Эргашева
проф. Б.Эшов
доц. Ч.Темирова
доц. А.Пардаев
доц. Б.Аҳмедов
PhD. Д.Шодмонова
PhD. Р.Тўхтаева
PhD. Б.Тошпўлатов
ўқ. И.Жабборова**

Мазкур тўплам Қарши давлат университети Илмий Кенгашининг 2022 йил 13 майдаги 9 – сонли қарори билан нашрга тавсия қилинди.

Тўпламга киритилган маълумотларнинг тўғрилиги, стилистик бехатолиги учун муаллифлар масъулдир.

МАРКАЗИЙ ОСИЁ ЦИВИЛИЗАЦИЯ ТИЗИМИДА ЎЗБЕКИСТОН ТАРИХИ ВА МАДАНИЯТИ

7. Медикер. – Алматы, 2002, июнь. – С.58-59.
8. Мўминова Г.Э. Ўзбекистонда соғлиқни сақлаш тизими тарихи. – Тошкент, 2015. – Б.188-190.
9. Народный университет. Очерки Туркестанского народного университета. – Ташкент, 1918. – С.2-10.
10. Самарканд тиббиёт тарихи. Самарканд Давлат тиббиёт институти. – Б. 360.
11. Советское здравоохранения. 1984, №3. – С.51.
12. Туркестанский медицинский журнал, 1922, №1. – С.84.
13. Ўз ИТТХ МА, 1-фонд, 1-рўйхат, 202-иш, 193-варақ.
14. Ўз МА, Р-13-фонд, 1-рўйхат, 24-иш, 56-варақ.
15. Ўз МА, Р-17-фонд, 1-рўйхат, 470-иш, 88-варақ.
16. Ўз МА, Р-25-фонд, 1-рўйхат, 333-иш, 8-12-варақлар.
17. Ўз МА, Р-25-фонд, 1-рўйхат, 1820-йиғма жилд, 8-варақ.
18. Ўз МА, Р-34-фонд, 1-рўйхат, 2484-иш, 124-варақ.
19. Ўз МА, Р-40-фонд, 1-рўйхат, 137-иш, 25-30-варақлар.
20. Ўз МА, 2087-фонд, 3-рўйхат, 671-иш, 2-варақ.
21. Ўз МА, Р-368-фонд, 1-рўйхат, 1-иш, 6-варақ.

РОССИЯ ИМПЕРИЯСИ ИСТИЛОСИ ДАВРИДА БУХОРО-АФҒОНИСТОН МУНОСАБАТЛАРИ ХУСУСИДА

М.З.Орзиев – тарих фанлари бўйича фалсафа доктори (PhD). Бухоро давлат университети

Россия империясининг Бухоро амирлигини ярим мустамлакага айлантириш жараёнида, Бухоро ва Афғонистон давлатлари ўртасидаги муносабатлар зиддиятли ва мураккаб бўлиб, Самарқандни Россия истило қилгандан сўнг бу ердан қочган муллаларни Жанубий Туркистон (ҳозирда Шимолий Афғонистон)даги Қундуз беклиги беги Мир Муродбек сўроқ қилиб, 31/19 апрел куни Кобул ҳуқумдори Азимхонга мактуб йўллаган. Мактубда, Самарқанд яқинида жангдан қочган бухоролик тўққиз мулла билан суҳбатлашгани, уларнинг айтишича, жангда амир Музаффархон қўшинга бош этиб, Ҳирот ҳокимининг ўғли, авфон шаҳзодаси Искандархонни бош этиб тайинлагани. Қўин сони 400 авфон ва 8 минг бухороликлардан иборат бўлгани, руслар қўшини 8 минг киши бўлиб 16 та тўплари мавжудлиги, енгилганликларидан сўнг Искандархон ва Абдумалик катта тўранинг Самарқанд қалъасига кириб қаршилиқ қилишга уринганликлари аммо, дарвоза очилмаганлигини маълум қилган [12, 2]. “Туркистон тўплами”нинг саккизинчи томида Муродбекнинг мактуби такрор келтирилган бўлиб, унда афсус билан Амир Темур пойтахти кофирлар қўлига ўтганлигига оид Муродбек Қундузнинг мулоҳазалари кўшимча қилинган[9, 352].

Тарихий адабиётлардаги маълумотларда, Самарқанд яқинидаги жанг бошланиш олдидан амир Музаффар Афғонистон чорвилоят ҳокими Абдурахмонхондан ёрдам сўраганлиги аммо, у Маймана қамали билан банд бўлганлиги боис ёрдам кўрсатмаган [12, 2] лиги келтириб ўтилган бўлса, яна бир манбада Бухоро амири авфонлардан ёрдам сўраганда, авфонлар амирнинг авфон аскарларига Бухоро ерларидан ўтишига рухсат бериши ва авфонларнинг ўзлари мустақил равишда руслар билан уруш олиб боришларини талаб қилганликлари сабабли музокаралар тўхтаб қолганлигига оид маълумотлар сақланиб қолинган [10, 137]. “Туркистон тўплами”нинг саккизинчи томида ҳам амирнинг Самарқандга йўл олиши, Ғиждувонга келганда уни атиги бир неча киши кутиб олганлиги, аҳолининг

МАРКАЗИЙ ОСИЁ ЦИВИЛИЗАЦИЯ ТИЗИМИДА ЎЗБЕКИСТОН ТАРИХИ ВА МАДАНИЯТИ

қочиб кетганлиги, авфонлардан ёрдам сўралгани ва улар Бухоро худудидан эркин ўтиб мустақил равишда руслар билан урушишни талаб қилганларида, амир Музаффар бу ўзини тахтдан ағдариш учун қулай имкони бўлиши сабабли авфонлар таклифини рад этганлиги келтириб ўтилган [6, 117д].

Амир Самарқанд яқинидаги жангга тайёргарлик кўриш жараёнида Карманга яқинлашганда Гриппенберг отрядининг Нуротага яқинлашаётганлиги ҳақида хабар олган. Бундан тўрт йил олдин ҳарбий хизматга олган Искандархон ва унинг аскарларига Нуротага боришни буюрган. Аммо, авфонлар кўқисдан Нуротага хужум қилиб, иккита тўпни тортиб олганлар. 12 апрель куни Жиззахга етиб келиб, Янги қишлоқда жами 284 киши русларга таслим бўлганлар. Авфонлар етакчиси Искандархон онаси томондан Дўстмуҳаммадхонга набира ҳисобланган. Унинг 144 аскари Бухоро амирига қарши Зирабулоқ жангида иштирок этишга рози бўлган бўлса, 140 аскари диндошларига қарши курашишни истамай Тошкентга йўл олганх[14, 127]. Искандархон русларга таслим бўлишдан олдин Нуротани вайрон қилганлигига оид маълумотлар мавжуд[20, 89с]. Тахминан 35 ёшлар атрофида бўлган ва Самарқанд яқинидаги жангдан сўнг руслар подполковник унвонини олган авфон шаҳзодаси Искандархон[5, 159-161] кейинчалик Петербургга йўл олган[13, 24]. Кейинчалик Англия кетган Искандархон у ерда ҳам Авғонистон тахтини қўлга киритиш режаси амалга ошмаслигига кўзи етгандан кейин Эроннинг Сеистон вилоятида умрининг охригача яшаган [1, 404]. Искандархон руслар томонига ўтгандан сўнг уларга Бухоро ва Авғонистон худудидаги вазиятни тўлиқ тасвирлаб берган. Жумладан, Шералихон Кобул тахтини Азимхонга (аслида Афзалхонга матнда эҳтимол хато кетгандир ёки Афзалхон вафот этиб Азимхон тахтга ўтирган бўлса керак) бўшатиб беришга мажбур бўлгани, Абдурахмонхон эса Балхда мустақамланганлиги хабарини етказган [7, 131]. Дўстмуҳаммадхоннинг катта ўғли ва инглиз-авфон урушлари қаҳрамони бўлган Муҳаммад Акбархон 1847 йилда вафот этган бўлиб, бевосита катта ўғил сифатида Муҳаммад Афзалхон тахт вориси ҳисобланган[3, 33]. Афзалхоннинг вафот этиши 1867 йил охирида содир бўлган ва Азимхон тахтга чиққанлиги “Туркистон тўплами”да келтириб ўтилган [16, 241].

“Новое время” газетасининг 1870 йил 241 сониди, Туркистон генерал-губернаторлиги элчилари 1870 йил 22 июнда Бухоро амирлиги 35 кунлик сафар ҳақида маълумот берилиб, руслар билан бир вақтда Бухорога авфон элчилари ҳам келганлиги, улар ўзларини рус элчилари билан бирга қабул қилинишларини истамаганликлари, амирга Амударё бўйида қалъа қуришга рухсат беришни, русларга қарши 12 минг аскарлари шай турганлиги, пул ва аскарлар билан ёрдам беришни ваъда қилганликларини аниқлаганликлари келтирилган [11, 153]. Бухорога келган рус элчилари (полковник Носович) Бухорога келган авфон элчилари сони 20-30 кишидан иборат эканлигини аниқлаган [15, 154-155]. Авфон элчилари эса, Бухорода русларни яхши кутиб олинганидан норози бўлганлар [4, 156-157]. Бухорода бўлган рус элчилари инглизларни Россия империяси ва Авғонистонни уриштиришга уринаётганликларини аниқлайди. Авфон элчилиги таркибидагилардан бири рус элчилари таркибида бўлган мулла Юнусовни бухоролик ҳисоблаб; “Бизнинг кўшинимиз русларни енгади, амир Музаффар кўрқоқ у ўзини Россия душмани деб эълон қилишдан кўрқади”-деганини аниқлаган [19, 96]. Бухорога келган Носовия элчилиги саккиз кишидан иборат бўлиб, уларни 50 казак кузатиб келган. Улардан олдинроқ Усманийлар салтанати, Хива ва Авғонистон элчилари келганлиги улар Россия империяга қарши иттифоқ тузишга ундаганликлари. Амир Музаффархон ўзини олий ҳуқумдор деб тан олинсагина иттифоққа қўшилишини таъкидлаган. Амир Россия элчиларига авфонлар билан уруш бошланиш хавфи сабабли 4 минг милтиқ ва тўп қуювчиларни Бухорога беришни сўраган [21, 45-46].

МАРКАЗИЙ ОСИЁ ЦИВИЛИЗАЦИЯ ТИЗИМИДА ЎЗБЕКИСТОН ТАРИХИ ВА МАДАНИЯТИ

Россия империясига қарши кураш тарафдори бўлган Абдумалик Катта Тўранинг Россия империяси кўшинлари томонидан тор-мор этилиши, Авғонистон молиявий ва ҳарбий ёрдам сўраб бориши Афғонистоннинг Бухоро билан муносабатларни кескинлаштириб юборган. Инглизларнинг маслаҳати билан Катта Тўра Қўқонга юборилган бўлсада, Бухорода шаҳзоданинг Шералихонни қизига уйланганлиги, авғонлардан кўшин ва моддий ёрдам олганлигига оид маълумотлар тарқалган. Россиянинг қўллаб-қувватлашига ишонган амир Музаффар Жанубий Туркистондаги даъволар билан Хўжа Эшон Ўроқни Авғонистоннинг Туркистондаги губернатори олдига иккита унча муҳим бўлмаган шаҳарни Бухорога бериш талаби билан юборган. Вужудга келган кескинлик Россия империяси талаби билан бартараф этилган [17, 203]. Тарихий адабиётларда амир Музаффар Чорвилоятни қўлга киритишга уринган деб хулоса чиқаришга асос бўлиб хизмат қиладиган маълумотлар мавжуд. Ўз ҳаракатларини Туркистон генерал-губернатори Кауфманга амир қўйидагича тушунтирган. Ўроқ Эшон Хўжа бошчилигида 6 минг сарбоз, 3 минг отлик 6 та тўп билан Чорвилоят тезда қўлга киритилиши, Кобул томондан кучли хавф туғилса, Россия империяси отрядларининг Карки яқинида намоиш ўтказиши (Демонстрация) етарли эканлиги, 30 йил олдин ажралиб кетган худудларни қайтариб олишда ёрдам беришни илтимос қилган [2, 96-97].

Айрим тарихий адабиётларда Авғонистондаги Чорвилоят ҳоқими Ғулом Ҳайдархон Вардак олдида Бухоро амир Музаффархон Қосим Хўжа Ўроқ ва Мирзо Абдулғаффорларни элчи сифатида Бухоро амирлигининг Амударё чап соҳилидаги худудларга даъвосини етказиш мақсадида юборган. Шунингдек, худди шу даврда Шаҳрисабзга Чорвилоят ҳокимининг элчиси Саид Жаъфар 20 кишилик вакиллар билан Музаффархонга қарши курашиш мақсадида келганлигига оид маълумотлар мавжуд [2, 140]. Хулоса қилиш мумкинки, ҳар икки томондан ҳам айғоқчилик ва рақибларга зарар етказишнинг турли воситалари қўлланилган. Шунини алоҳида таъкиллаш жоизки, Россия империяси томонидан Бухорони истило қилиш жараёни ва бунда Афғонистон иштироки масаласи Россия империясининг даврий матбуот органларида ҳам муносабат билдирилиб, Англия томонидан Авғонистонга субсидия берилаётганлиги, инглизлар бўлмаганда Авғонистон ва Бухоро давлатлари келишиш имконига эга эканлиги, Россияга қарши курашга чоғланишлари мумкинлигига оид фикрлар билдирилган [18].

Россия айғоқчилик идоралари томонидан келтирилган маълумотларда инглизлар Бухоро амирини 70-йиллар давомида Россия империясига қарши иттифокқа тортишга бир неча бора уринганликларига оид маълумотлар келтирилган. Бунинг учун мусулмон айғоқчи-тарғиботчиларидан кенг фойдаланилган. Авғонистоннинг Ғазна шаҳри, Даман қишлоғидан бўлган Шермухаммад савдогар ҳам инглизлар томонидан юборилган айғоқчилардан бири бўлганлигига оид маълумотларнинг ўзи ҳам юқоридаги фикр-мулоҳазаларимизни тасдиқлайди [2, 136].

Афғонларнинг Бухоро амирлигини фаол равишда Россия империясига қарши курашга чорлаганлиги хусусидаги сўнгги маълумотлар Россия империяси томонидан Хива хонлигини бўйсундирилиши жараёнларида тилга олинган бўлиб, ҳарбий экспедицияси даврида авғонлар рус кўшинларини зарурий нарсалар билан таъминлашга масъул бўлган Бухоро амирига бу топшириқни бажармасликни, аксинча Россияга қарши Хива билан ҳамкорликда курашишни таклиф қилганлар. Аммо, Бухорода яшовчи татар савдогари Каратаев ва Бухоронинг Россия империясида савдо қилувчи йирик савдогарлари амирни бундай йўл тутмасликка кўндирганлар [19, 96]. Россия Хивани эгаллаш учун ҳарбий юриш ташкил қилганда, инглизлар Авғонистон амирини қўллаб-қувватлаши сабабли Шералихон Бадахшонга юриш қилган [21, 189]. Бу эса Бухоронинг Жанубий туркистондаги сўнгги вассал

бекликларидан бирининг Афғонистон қўл остига ўтиб кетишига олиб келган.

Хулоса қилиб айтиш мумкинки, Россия империяси босқини масаласини ўрганиш баробарида инглиз-афғон истилоси тарихини ҳам қисман бўлсада ўрганиш, Жанубий Туркистондаги ўзбек, тожик ва туркманлардан иборат азалий Туркистон халқлари тарихи, маданияти ва бугунги кундаги ҳолатига тарихий баҳо бериш муҳим аҳамиятга эга мавзулардан бири бўлиб ҳисобланиди.

Фойдаланилган адабиётлар.

1. Бартольд В.В. Сочинения в 9-ти томах. Том II. Часть 1. Общие работы по истории Средней Азии. Работы по истории Кавказа и Восточной Европы. – М.: Издательство восточной литературы, 1963. – 1020 с.
2. Бухара и Афганистан в начале 80-х годов XIX в. (журналы командировки Г.А. Арендаренко). – М.: Главная редакция восточной литературы издательство Наука, 1974. – 140 с.
3. Военно-статистический сборник. Выпуск III. пер. Аф. Бел. Составлен под общего редакцией Г.Ш. генерал-майора Н.Н. Обручева. Управляющего делами военно-ученного комитета и профессора военной статистики. – СПб., Печатано в военной типографии в здании главного штаба 1868. // Туркестанский сборник. Том 33. – 167 с.
4. Дневник. // Туркестанский сборник. Том 41. – С. 156-157.
5. Из Оренбурга. // Туркестанский сборник. Том 7. – 145-171.
6. Известия о сражении под Самаркандом и о занятии этого города. // Туркестанский сборник. Том 8. – С. 111-117н.
7. Известия из Туркестанского генерал-губернаторства. // Туркестанский сборник. Том 8. – С. 129-131.
8. Индийский вопрос в Англии. // Туркестанский сборник. Том 8. – С. 293-295.
9. Корреспондент газеты Times пишет из Калькутты. // Туркестанский сборник. Том 8. – С. 352. – С. 351-352.
10. Наши дела в Бухаре от вступления в управление краем генерал Кауфмана. // Туркестанский сборник. Том 6. – С. 137. – С. 133-139.
11. Новая время // Туркестанский сборник. Том 41. – С. 152-153.
12. Новости из Центральной Азии. // Туркестанский сборник. Том 6. – С. 1-4.
13. Оренбург 10 сентябрь. // Туркестанский сборник. Том. 7. – С. 23-25.
14. Положение дель в Бухаре. // Туркестанский сборник. Том. 6. – С. 127-131.
15. Приём руссаго посольства в Бухаре. // Туркестанский сборник. Том 41. – С. 154-155.
16. Руско-индийский вопрос. // Туркестанский сборник. Том 33. – С. 189-256.
17. Санкт-Петербург. // Туркестанский сборник. Том 41. – С. 201-205.
18. Санкт-Петербург. // Биржевые ведомости. 1870. № 181. 25 апрел.
19. Стремоухов Н. Поездка в Бухару. // Туркестанский сборник. Том 78. – С. 83-149.
20. Терентьев М. Частная корреспонденция “Руссаго инвалида”. // Туркестанский сборник. Том. 7. – С. 89а-89д.
21. Терентьев М.А. Россия и Англия в Средней Азии. – С.-Петербург. Типография Меркулова, Графский пер., д. № 5. 1875. – 231 с.
22. Южаков Ю. Абдурахманхан Афганский. // Туркестанский сборник. Том. 373. – С. 159-174.